

# Endurvinnsla

ÞRIÐJUDAGUR 22. OKTÓBER 2019

Kynningar: Sorpa, Hringsjá



Bygging nýju gas- og jarðgerðarstöðvarinnar í Álfsnesi jafnast á við að taka 36 þúsund ökutæki af götum landsins og hefur því verulega mikil jákvæð umhverfisáhrif. FRÉTTABLAÐIÐ/VALLI

## Stórt og þýðingarmikið skref í umhverfismálum

SORPA er að reisa nýja gas- og jarðgerðarstöð á Álfsnesi til að auka endurvinnslu á lífrænum úrgangi höfuðborgarsvæðisins verulega. Stöðin mun framleiða þúsundir tonna af metangasi sem nýtist ökutækjum og iðnaði og jarðvegsbæti sem hentar sérlega vel í landgræðslu og skógrækt. ➔2



Ársframleiðsla stöðvarinnar af metangasi samsvarar um 3,4 milljónum bensínlitra sem hægt verður að nýta sem eldsneyti á ökutæki. Hún mun líka framleiða 10-12.000 tonn af jarðvegsbæti til landgræðslu á ári.

FRÉTTABLAÐIÐ/  
VALLI



Stærð hússins verður 12.800 fermetrar og stöðin mun anna allt að 35.000 tonnum af lífrænum heimilisúrgangi árlega. FRÉTTABLAÐIÐ/VALLI

Framhald af forsiðu ➔

Með tilkomu gas- og jarðgerðarstöðvar SORPU verður hætt að urða lífrænan úrgang frá heimilum á höfuðborgarsvæðinu og í staðinn verða metangas- og jarðgerðarefni unnin úr þeim. Einnig er stefnt að því að ná út öllu plastefni ásamt málmi úr úrgangi frá heimilum. Þegar stöðin er komin í gagníð er stefnt að því að yfir 95% af úrgangi frá heimilum á samlagssvæði SORPU verði endurnýtt. Lífrænu efnið verða nýtt til gas- og jarðgerðar, en málmar og önnur ólíf-ræn efni, s.s. plast, verða flokkuð vélrænt til endurnýtingar. Með þessu er stigið mikilvægt skref í að draga úr útblæstri gróðurhúsa-lofttegunda vegna meðhöndlunar úrgangs.

Mikil vinna að baki

„Undirbúningur gas- og jarðgerðarstöðvarinnar hefur staðið lengi, en verkið er unnið í samræmi við stefnu sem sveitarfélögin á höfuðborgarsvæðinu mótuðu með sameiginlegri svæðisáætlun um meðhöndlun úrgangs 2009-2020,“ segir Björn H. Halldórsson, framkvæmdastjóri SORPU. „Verkið er síðan kostað af SORPU og sveitarfélögunum á höfuðborgarsvæðinu.

Ráðist var í verkið vegna krafna um að draga úr urðun á lífrænum úrgangi eftir að ný lög um meðhöndlun úrgangs voru sett og þetta var talin hagkvæmasta og besta leiðin út frá fjárhagslegum og umhverfislegum sjónarmiðum,“ segir Björn. „Þetta er líka aðferð til að draga úr lyktarmengun frá urðunarstaðnum.

Skrifað var undir samning við danska fyrirtækið Aikan Solum AS um tæknilausn fyrir stöðina 15. desember 2016 og samið var við Ístak um verkið 13. júlí 2018,“ segir Björn. „Fyrsta skóflustunga að stöðinni var svo tekin 17. ágúst 2018 og er áætlað að gas- og jarðgerðarstöð SORPU verði komin í rekstur á vormánuðum 2020.“

Stórt og áhrifaríkt verkefni

„Stærð hússins verður 12.800 fermetrar og stöðin mun anna allt að 35.000 tonnum af lífrænum heimilisúrgangi árlega,“ segir Björn. „Markmiðið er að nýta sem best allan lífrænan úrgang sem til fellur á heimilum á höfuðborgarsvæðinu, s.s. matarleifar, gæludýraúrgang o.fl. Ekki aðeins nýttast næringarefnið sem felast í lífrænum heimilisúrgangi, heldur einnig orkan sem verður til við niðurbrot úrgangsins.

Þetta er stærsta verkefni SORPU frá því fyrirtækið hóf starfsemi



Gas- og jarðgerðarstöðin er stærsta verkefni SORPU frá því fyrirtækið hóf starfsemi árið 1991. FRÉTTABLAÐIÐ/VALLI

árið 1991,“ segir Björn. „Ársframleiðsla stöðvarinnar af metangasi samsvarar um 3,4 milljónum bensínlitra sem hægt verður að nýta sem eldsneyti á ökutæki og hins vegar 10-12.000 tonn af jarðvegsbæti til landgræðslu.

Þegar fyrsta skóflustungan að stöðinni var tekin flutti umhverfisráðherra tölu og sagði að þessi aðgerð jafnaðist á við að taka 36 þúsund ökutæki af götum landsins,“ segir Björn. „Þannig að þetta hefur veruleg jákvæð umhverfisáhrif.“

Knýr ökutæki, uppgræðslu og skógrækt

„Það væri upplagt að nota gasið til að knýja almenningssamgöngur, en auk þess má nýta það í alls konar iðnað sem nýtir gas og olíu,“ segir Björn. „Nú þegar er verið að nýta metangas frá urðunar-

Markmiðið er að nýta sem best allan lífrænan úrgang sem til fellur á heimilum á höfuðborgarsvæðinu.

staðnum í Álfsnesi á 1.700 ökutæki á höfuðborgarsvæðinu, en svo er smáræði nýtt á annan hátt. Við stefnum að því að auka þessa notkun verulega þegar stöðin er komin í gagníð.

Jarðefnið henta mjög vel í skógrækt og uppgræðslu, meðal annars til að minnka uppblástur,“ segir Björn. „Það er svæði í kringum okkur á Álfsnesi sem við ætlum að byrja að rækta upp, en svo

hafa Skógræktarfélag Reykjavíkur, Landgræðslan og samtökin Gróður fyrir fólk í landnámi Ingólfs líka lýst yfir miklum áhuga á að nýta þetta efni.


Með fram þessu erum við líka að reyna að auka endurvinnslu á ýmsum efnum, t.d. öðrum lífrænum úrgangi, eins og sláturúrgangi, og erum að reyna að bæta okkur í forvinnslu fyrir lífdísil- og moltuframleiðslu úr honum,“ segir Björn.

Þörf á betri flokkun

„Til að ná sem bestum árangri þá hvetjum við fólk til að flokka betur spilliefni, lyf, raftæki, fatnað og gler, en öll þessi efni eiga sér nú þegar endurvinnslu- eða förgunarleið,“ segir Björn. „Þegar nýja stöðin kemst í gagníð á vormánuðum munum við leggja aukna áherslu á þetta.“

# Endurvinnsla í einni tunnuni

Endurvinnslutunnan okkar er fyrir heimili og í hana fara **pappír, pappi, plast og málmar**. Allt fer á einn stað – við sjáum um að flokka og koma öllum efnunum þangað sem þau gera mest gagn.



Létu þér flokkunarvandann og pantaðu endurvinnslutunnu á [terra.is](http://terra.is)



# Einfalt að farga ónýtum bíl

Hringrás er stærsti móttakandi bíla til förgunar. Fyrirtækið býður upp á rafræna undirskrift skilavottorða á nýrri vefsíðu til að spara viðskiptavinum sínum sporin, tíma og fyrirhöfn.

Þegar kemur að því að farga bílum getur Hringrás séð um ferlið frá upphafi til enda. Nýlega var ráðist í að gera nýja síðu, hringras.is/bilar, þar sem viðskiptavinir geta fyllt út skilavottorð í gegnum vefsíðuna og undirritað með rafrænum skilríkjum. „Markmið okkar er að færa okkur nær nútíma kröfum neytenda og bæta þjónustu við viðskiptavinum með því að spara þeim sporin,“ segir Daði Jóhannesson, framkvæmdastjóri Hringrásar, sem er eitt elsta endurvinnslufyrirtæki landsins og hefur verið starfrækt í ein 60 ár.

„Fyrir þá sem þess óska er nú hægt að undirrita skilavottorð með rafrænum hætti og losa sig þannig við ónýtan bíl án þess að fara á marga staði. Það sparar bæði tíma og fyrirhöfn,“ segir Daði og hjá Hringrás er þetta einfalt:

1. Bíl er komið á móttökustöð eða sóttur af þjónustuaðilum Hringrásar, að kostnaðarlausu innan höfuðborgarsvæðisins og á Akureyri, en annars gegn samkomulagi.
2. Skilavottorð er fyllt út og billinn afskráður.
3. Eigandi bílsins fær greiddar 20.000 krónur inn á reikninginn sinn.

#### Rafræn undirritun skilavottorðs

„Með því að nýta sér rafræna



Spilliefni, dekk, rafgeymir, olía og eldsneyti eru fjarlægð og þeim fargað.

**Nú er hægt að losa sig við ónýtan bíl án þess að þurfa að fara á marga staði. Það sparar bæði tíma og fyrirhöfn.**

afskráningu einföldum við áður flókið ferli þar sem eigandi þurfti að vera á staðnum þegar billinn var sóttur, afhenda pappíra og koma númeraplötum á rétta staði.

Með nýju fyrirkomulagi er þetta auðveldara,“ útskýrir Daði.

- Viðkomandi þarf að vera skráður eigandi bílsins
- Innskráning með rafrænum skilríkjum
- Bílnúmer látn fylgja bílnum, ef þau eru ekki þegar innlögð
- Hringrás fargar bílnum

#### Hvað verður um gamla bílinn?

„Margir velta fyrir sér hvað verður um gamla bílinn. Hringrás selur ekki varahluti úr bílum enda störfum við sem endurvinnslu-



Gamli bílinn er pressaður í böggul sem er sendur út til frekari endurvinnslu.

fyrirtæki,“ upplýsir Daði.

„Eftir að skilavottorð hefur verið fyllt út og bíllinn er kominn til Hringrásar fer hann í gegnum ferli þar sem öll spilliefni, svo sem dekk, rafgeymar, vökvar, olíur og eldsneyti eru fjarlægð og send til endurvinnslu eða förgunar samkvæmt ströngustu kröfum um umhverfisvernd. Billinn er svo pressaður í böggul sem sendur er til frekari endurvinnslu erlendis,“ segir Daði.

#### Endurvinnsla og umhverfið

Samstarfsaðilar Hringrásar í Evrópu sjá um að endurvinnna alla

málma og plastefni með bestu mögulegu tækni. Endurvinnsluhlutfall efna úr bílum sem fargað er hjá Hringrás er með því hæsta sem gerist í heiminum.

#### Viltu farga bíl?

Til að farga bíl ferðu inn á vefsíðuna [hringras.is/bilar](http://hringras.is/bilar) eða hefur samband við starfsfólk okkar í síma: 550 1900, netfang: [afgreidsla@hringras.is](mailto:afgreidsla@hringras.is).

Móttökustöðvar Hringrásar eru að Klettagörðum 9, Reykjavík, og að Ægisnesi 1, Akureyri.

# Fræga fólkið flýgur mest

Ríka og fræga fólki í heiminum er orkufrekt þegar kemur að flugi. Lífsstíll þessa fólks felur í sér margvísleg ferðalög á einkapötum sem hafa áhrif á loftslagið. Sumir eru nánast alltaf í loftinu.

Elín  
Albertsdóttir  
[elin@frettabladid.is](mailto:elin@frettabladid.is)



Norskur prófessor, Stefan Gössling, hefur safnað að sér upplýsingum um ferðalög fræga fólksins og reiknað út hversu mikið það losar út í andrúmsloftið. Upplýsingar um ferðirnar fékk hann í gegnum samfélagsmiðla. Sá sem flaug mest er Bill Gates en ferðir hans losuðu um 1.600 tonn koltvísýrings (CO<sub>2</sub>). Paris Hilton og Jennifer Lopez komu þar á eftir með 1.260 og 1.050 tonn. Sú sem minnst ferðaðist í flugi var leikkonan Emma Watson með 15 tonn koltvísýrings (CO<sub>2</sub>). Venjulega fólkið er talið losa um 100 kg. Það er frekar litill hópur manna sem keyrir upp losunina með orku-frekum lífsstíl, segir prófessorinn. Einkapötur fræga fólksins eru hluti af þessum lífsstíl. Aðrir sem nefndir voru eru Karl Lagerfeld, Mark Zuckerberg og Oprah Winfrey auk nokkurra stjórnmálamanna og viðskiptajöfra.

Fræga og ríka fólkið hefur mikil áhrif á almenning og lífsstíl hans. Stjörnurnar ná til milljóna í gegnum samfélagsmiðla og þær eru miklir áhrifavaldar. Fræga fólkið sem Stefan nefnir í grein sinni er með samanlagt um 170 milljónir fylgjenda á Instagram. Þótt það segist vilja breyta heiminum mun það samt halda



Bill Gates heldur erindi og fyrirlestra um allan heim. Hann flýgur á milli staða og er alltaf á ferðinni. Nýlega var hann í Kína. NORDICPHOTOS/GETTY

áfram sínum orkufreka lífsstíl. Sjálfur hefur hann lengi starfað við loftslagsmál og segir að umræðan hafi breyst undanfarið. Hann þakkar Greta Thunberg fyrir að vekja máls á umhverfismálum og að setja af stað mótmæli undir slagorðinu Föstudagar fyrir framtíðina en þau séu mjög góður þrýstingur á stjórnmálamenn.

Það var til dæmis eftir því tekið þegar John Kerry, fyrrverandi utanríkisráðherra og forsetafram-

bjóðandi í Bandaríkjunum, tók á móti verðlaunum fyrir baráttu í umhverfismálum á Arctic Circle ráðstefnunni í Hörpu nýlega, að hann kom fljúgandi á einkapötu. Þótti mörgum það skjóta skökku við. Greta Thunberg ferðast um víða veröld en eingöngu á skipum og í lestum.

Stefan bendir á að ungt fólk í dag sé farið að meta hvort flug sé í raun nauðsynlegt. Ungmennin skoða flugið frá því að vera mjög



Jennifer Lopez flýgur mikið í einkapötu vegna starfa sinna. Hún er bæði með tónleika víða og leikur í kvikmyndum.

» Stjörnurnar ná til milljóna í gegnum samfélagsmiðla og þær eru miklir áhrifavaldar. Þessir fáu eru með sam-anlagt um 170 milljónir fylgjendur á Instagram.

mikilvægt yfir í algjöran óþarfa. Umræðan hefur aukist mikið um flugferðir, ekki bara hjá fáum hugsjónamönnum. Hin unga Greta hefur skapað mikla umræðu langt út fyrir heimaland sitt og hefur áhrif á skoðanir ungs fólks. Þess ber þó að geta að engin þjóð í Evrópu er eins háð flugi og Íslendingar. Aðrar þjóðir geta auðveldlega ferðast með lestum.

Grein Stefans heitir Celebrities, air travel, and social norms.

# UMHVERFISVÆNI RUSLAPOKINN

## Hugsum áður en við hendum!

Umhverfisvæni ruslapokinn er úr maíssterkju sem brotnar niður á nokkrum vikum án þess að valda skaða í náttúrunni.

Umhverfisvæni ruslapokinn er með handföngum og passar vel í ruslatunnur á heimilum eða sem burðarpoki í verslunum.

**SEGÐU NEI  
VIÐ PLASTI**

**ÍSLENSKA  
GÁMAFÉLAGIÐ**

**[www.igf.is](http://www.igf.is)**

Umhverfisvæna ruslapokann má nálgast í öllum helstu verslunum



# Notað fær nýtt líf

Glerkrukkur, fatnaður, sængurföt og gjafapappír eru á meðal þess sem hægt er að gefa nýtt líf með því að nota hugmyndaflugið.

Sigríður Inga  
Sigurðardóttir  
siggainga@gmail.com



**S**ífelld fleiri gera sér grein fyrir því hversu mikilvægt er að flokka sorp og skila í endurvinnslu öllu því sem hægt er að endurvinna. Á flestum heimilum fellur þó til ýmislegt sem hægt er að endurnýta heima fyrir og gefa um leið nýtt líf.

Glerkrukkur eru eitt af því sem til fellur á mörgum heimilum en þær má endurnýta fyrir eitt og annað. Glerkrukkur má t.d. nota undir matvæli en þær henta sérstaklega vel fyrir alls konar fræ, hnetur, kókosflögur, krydd og rúsinur svo eitthvað sé nefnt. Tilvalið er að nota glerkrukkur fyrir sultur, svo sem rabarbara- eða bláberjasultu, en þá er mikilvægt að hreinsa krukkurnar vel, t.d. með því að sjóða þær. Sultur eru sívinsælar til gjafa en aðeins þarf að setja smekklegt efni á lokið og útbúa fallegan merkimiða og þá er komin skemmtileg gjöf. Þá er hægt að nota glerkrukkur fyrir blóm til að punta upp á heimilið. Glerkrukkur geta komið vel út sem tannburstaglös, undir penna, fyrir tölur eða tvinna eða í raun hvað sem er. Ef engin not finnast fyrir gamlar glerkrukkur er best að fara með þær í endurvinnslu og setja þær í gáminn fyrir steinefni.

## Handklæði verða tuskur

Þegar handklæði eru orðin gömul og slitin er hægt að gefa þeim nýtt hlutverk með því að klippa þau niður í þvottapoka eða tuskur. Sængurver sem hafa sungið sitt síðasta geta nýst sem pokar undir t.d. flöskur og dósir. Þau er síðan hægt að þvo og nota aftur og aftur.



Sparið plastið með því að taka með ykkur poka út í búð.

Föt sem eru aldrei notuð eða passa ekki lengur má gjarnan gefa áfram svo þau nýtist öðrum. Ef það er ekki hægt, eða ef fötin eru einfaldlega orðin of slitin má sauma nýjar flikur eða annað upp úr þeim. Gamla gallabuxur geta t.d. orðið að smart gallatösku. Sníðugt er að rekja upp prjónafatnað og nota garnið á ný, svo sem fyrir nýja vettlinga eða trefla. Ef ekkert hlutverk finnst fyrir fatnað er æskilegt að fara með hann í safngáma hjálparsamtaka. Fötin eru þá flokkuð af sjálfböðaliðum og gefin til þeirra sem þurfa á þeim að halda, hérlandis sem erlendis. Hluti fatnaðar er seldur til fataflokkunarstöðva í útlöndum eða í verslunum t.d. Rauða krossins eða Hjálpræðishersins. Öll föt og klæði þurfa að vera hrein þegar þau eru sett í fatagámanna en engu máli skiptir þótt þau séu rifin eða slitin, þá eru þau einfaldlega nýtt í endurvinnslu og búin til úr þeim teppi og ýmislegt annað.

Gjafapoka má nota oft en einu sinni, líkt og gjafapappír. Gjafakort má líka nota aftur með því t.d. að klippa út framhliðina á þeim, líma á þykkan pappír og þá er komið nýtt kort. Mikilvægt er að flokka pappír sem ekki nýtist og setja í endurvinnslu. Hægt er að framleiða t.d. salernispappír, eldhúspappír, dagblaðapappír og fleira úr endurunnum pappír.

» Sængurver sem hafa sungið sitt síðasta geta nýst sem pokar undir t.d. flöskur og dósir.



Á flestum heimilum fellur til ýmislegt sem hægt er að endurnýta heima fyrir.



Glerkrukkur geta komið vel út sem tannburstaglös, undir penna, fyrir tölur eða tvinna eða í raun hvað sem er.



ÞAÐ TEKUR AÐEINS UM 30 SEK.  
AÐ SKIPTA UM POKA

## SJÁLFBÆR FLOKKUN SORPS ER KRAFA

Paxxo Longopac flokkunarkerfið er byltingarkennd lausn í sjálfbærri flokkun. Paxxo er sænskur framleiðandi í fremstu röð á sínu sviði í heiminum.



### COMMERZ

H: 100 cm  
B: 107,5 cm  
D: 44 cm

**132.230 KR.**  
VERÐ AÐUR  
188.900 KR.



### LONGOSTAND MINI

H: 100 cm  
B: 107,5 cm  
D: 44 cm

**9.023 KR.**  
VERÐ AÐUR:  
12.890 KR.



### MINI BULLET

H: 86 cm  
B: 38 cm  
D: 20 cm

**27.923 KR.**  
VERÐ AÐUR  
39.890 KR.

OPÍÐ ALLA  
VIRKA DAGA  
KL. 8-17



Rekstrarland | Vatnagórðum 10 | 104 Reykjavík | Söluver **515 1100** | rekstrarland.is





# Fagleg og heildstæð þjónusta á sviði brotamálms

Við tryggjum áreiðanlega meðhöndlun á brotajárninu  
og brotamálminum þínum með umhverfsvænum hætti



## Við kaupum brotamálm

Millberry Kopar/Eir



ISK 400 á kg.

Brotajárn



ISK 4 á kg.

Kopar/Eir



ISK 380 á kg.

Brass/Messing



ISK 260 á kg.

Brons



ISK 280 á kg.

Kaplar



ISK 45 á kg.

Ryðfritt stál



ISK 70 á kg.

Ál



ISK 65 á kg.

Blý



ISK 80 á kg.

Zink



ISK 50 á kg.

Brotamálmur  
þungur í bræðslu




ISK 4 á kg.

Rafmótorar



ISK 35 á kg.

Offset prentplötur úr áli



ISK 80 á kg.

Tungsten



ISK 400 á kg.

Brotastál



ISK 5 á kg.

Stálstrengir



ISK 7 á kg.

Spennubreytar



ISK 35 á kg.

Hvarfakútar



Leitið tilboða



Stangarhylur 7 110 Reykjavík Sími: 5199819  
info@malma.is www.malma.is



Gott er að endurvinnna gamlan pappír og bönd fyrir vistvænni jólapakka. NORDIC PHOTOS/GETTY

## Grænni jól

Það styttest í jólin og margir eru farnir að huga að jólagjöfum og jólaundirbúningi. Jólin eru hátíð ljóss og friðar en líka hátíð neyslunnar.

- Gefðu heimatilbúna gjöf. Hvar liggja hæfileikarnir? Í þrjónaskap, sultugerð eða listum?
- Gefðu upplifun. Bjóddu í leikhús, á námskeið eða í ferð með útivistarfélagi.
- Gefðu áskrift. Þekkirðu sjónvarpssjúkling? Gefðu honum áskrift að góðri sjónvarpsrás og tónlistarunnandanum áskrift að tónlistarvefverslun.
- Gefðu bágstóddum. Öll þekkjum við fólk sem á allt og vantar ekkert. Gefðu til góðs málefnis í þess nafni og sendu því kort sem útskýrir hvernig gjöfin mun nýtast til góðs.

Hver kannast ekki við að eiga allt of mikið af innpökkunarefni inni í skáp, hættum að bæta við í hrúguna og...

- Notum til dæmis einfaldan maskínupappír sem auðveldara er að endurvinnna.
- Endurnýtum dagblöð, tímarit eða plaköt sem gjafapappír og útkoman getur orðið mjög frumlegur jólapakki.
- Göngum vel frá pappírnum sem gjafirnar okkar voru í og notum aftur að ári.
- Setjum tvær gjafir saman í eina með því að nota sjálfa gjöfina í innpökkunina, til dæmis tauinnkaupapoka, trefla, sjöl og dúka.

Sá sem fær slíkan pakka, veit að meiri hugsun hefur farið í gerð hans og að þér er umhugað um hann með því að gera þitt til að draga úr neikvæðum umhverfisáhrifum.

Heimild: Umhverfisstofnun, ust.is



Margir hafa þegar hætt að nota plastpoka og taka með sér innkaupatösku í búðina.

## Plastið vikur

Samtök verslunar og þjónustu og Umhverfisstofnun vinna í sameiningu að verkefni sem felur í sér að verslanir á Íslandi dragi úr sölu á einnota burðarpokum og hvetji notendur til að draga úr einnota burðarpokanotkun, að því er greint er frá á síðu Umhverfisstofnunar ust.is

Markmiðið er að árið 2019 kaupir hver Íslendingur að hámarki 90 stykki af einnota burðarpokum á ári og að árið 2025 verði þeir komnir í aðeins 40 stykki á ári. Tölur eru á reiki um hver eiginleg notkun er í dag en hún liggur einhvers staðar á milli 100 og 200 poka á ári á hvern íbúa á Íslandi.

# Heimagerð sápa

Það er sniðugt að safna saman afgangnum af sápu-stykkjum og blanda þeim saman og búa til nýja sápu. Sápuafgangarnir eru látnir liggja í bleyti í sólarhring og hrært í þeim af og til. Svo er vatnið með sápuafgöngunum soðið svo sápan bráðni alveg. Því næst er olífuolíu bætt út í og hrært vel.

Það má setja smá haframjöl út í til að búa til skrúbb og sítrónusafa til að fá ferska lykt. Því næst er sápunni helt í form og hún látin harðna.

Með þessu móti er hægt að nýta sápuuna mun lengur og auk þess getur verið gaman að föndra sápu-stykkinn með fjölskyldunni.



Hægt er að nota smá-kökumót til að forma sápunar NORDICPHOTOS/GETTY



Grænir skátar koma með söfnunarilát í sorpgeymsluna, tæma þau reglulega, og greiða húsfélaginu hluta af skilagjaldinu segir Júlíus, Aðalsteinsson.

# Skátar sækja en húsfélagið fær greitt

Nú geta íbúar í fjölbýli safnað einnota drykkjarumbúðum í sorpgeymslunni. Grænir skátar bjóða nú þá þjónustu að annast flokkun og talningu einnota drykkjarumbúða fyrir húsfélög fjölbýlishúsa.

Grænir skátar hafa fundið fyrir aukinni þörf fyrir þessa þjónustu við húsfélögin vegna þeirri þróunar að fólk er farið að flokka meira, og einnota drykkjarumbúðir (flöskur og dósir) eru einn flokkurinn sem fólk vill geta skilað í sinni sorpgeymslu.

„Grænir skátar koma með söfnunarilát í sorpgeymsluna, tæma þau reglulega, og greiða húsfélaginu hluta af skilagjaldinu. Þessi þjónusta hefur verið í boði um nokkurt skeið en það er verið að hleypa henni almennilega af stokk-

unum núna. Grænir skátar hafa í nokkur ár þjónustað fyrirtæki með svipuðum hætti, bæði veitingastaði og skrifstofur. Eftir að hafa fengið fyrirspurnir um að veita þessa þjónustu líka til húsfélaga fórum við að snúa okkur að því að finna lausnir sem gætu hentað í þetta verkefni,” segir Júlíus Aðalsteinsson, rekstrarstjóri Grænna skáta.

„Með því að nýta sér þessa þjónustu losnar fólk við það vesen sem fylgir því að fara með flöskur og dósir í burtu, þannig að við bjóðum upp á þennan á valkost til aukinna þæginda,” segir Júlíus.

Við finnum út hversu oft við þurfum að tæma hvern stað miðað við hve fljótt söfnunarilátin fyllast. Það er líka alltaf hægt að hafa samband við okkur ef það verður yfirfullt og við komum og tæmum.

Í dag eru Grænir skátar að þjónusta um tuttugu húsfélög og hátt í 100 fyrirtæki, en fyrirtækjapjónustan er búin að vera í boði frá árinu 2012. Júlíus segir að í meðalstórum stigagangi falli til um 500 flöskur og dósir á viku. „En húsfélögin eru auðvitað misstór og mismunandi hvað neyslan er mikil. Því finnum við út hversu oft við þurfum að tæma hvern stað miðað við hve fljótt söfnunarilátin eru að fyllast. Það er líka alltaf hægt að hafa samband við okkar ef það verður yfirfullt og við komum og tæmum.“